# ॥तैत्तिरीय ब्राह्मणम्॥

॥तृतीयः प्रश्नः॥

# ॥ तैत्तिरीयब्राह्मणे तृतीयाष्टके तृतीयः प्रपाठकः॥

प्रत्युंष्ट्रं रक्षः प्रत्युंष्टा अरांतय इत्यांह। रक्षंसामपंहत्ये। अग्नेर्वस्तेजिष्ठेन तेजंसा निष्टंपामीत्यांह मेध्यत्वायं। स्रुचः सम्मांष्टिं। स्रुवमग्रें। पुमारंसमेवाभ्यः सङ्श्यंति मिथुन्त्वायं। अथं जुहूम्। अथोप्भृतम्ं। अथं ध्रुवाम्। असौ वै जुहूः॥१॥ अन्तरिक्षमुप्भृत्। पृथिवी ध्रुवा। इमे वै लोकाः स्रुचंः। वृष्टिः सम्मार्जनानि। वृष्टिर्वा इमाँ ह्योकानं नुपूर्वं केल्पयति। ते ततः क्रुप्ताः समेधन्ते। समेधन्तेऽस्मा इमे लोकाः प्रजयां पृश्भिः। य एवं वेदं। यदिं कामयेत् वर्षुंकः प्रजन्यः स्यादिति। अग्रतः सम्मृंज्यात्॥२॥

वृष्टिमेव नि येच्छति। अवाचीनाँग्रा हि वृष्टिः। यदिं कामयेतावंर्षकः स्यादिति। मूलतः सम्मृंज्यात्। वृष्टिमेवोद्यंच्छति। तद् वा आंहुः। अग्रत एवोपरिष्टात्सम्मृंज्यात्। मूलतोंऽधस्ताँत्। तदंनुपूर्वं कंल्पते। वर्षुंको भवतीति॥३॥ प्राचींमभ्याकारम्। अग्रैरन्तर्तः। एविमेव ह्यन्नंम्ह्यतें। अथो अग्राह्वा ओषंधीनामूर्जं प्रजा उपंजीवन्ति। ऊर्ज एवान्नाद्यस्यावंरुद्धे। अधस्तांत्प्रतीचींम्। दण्डमुत्तम्तः। मूलेन मूलं प्रतिष्ठित्यै। तस्मांदर्बौ प्राञ्युपरिष्टाल्लोमांनि।

### प्रत्यश्चधस्तांत्॥४॥

सुग्ध्येषा। प्राणो वै स्रुवः। जुहूर्दक्षिणो हस्तः। उपभृत्स्व्यः। आत्मा ध्रुवा। अन्नर्ं सम्मार्जनानि। मुख्तो वै प्राणोऽपानो भूत्वा। आत्मानमन्नं प्रविश्यं। बाह्यतस्तन्वर्ं शुभयित। तस्मौत्स्रुवमेवाग्रे सम्मौष्टि। मुख्तो हि प्राणोऽपानो भूत्वा। आत्मानमन्नमाविश्विति। तो प्राणापानो। अव्यर्धकः प्राणापानाभ्यां भवित। य एवं वेदं॥५॥

दिवः शिल्पमवंततम्। पृथिव्याः कुकुभि श्रितम्। तेनं वयः सहस्रंवल्शेन। सपत्नं नाशयामसि स्वाहेतिं सुख्सम्मार्जनान्यग्नौ प्र हंरति। आपो वै दर्भाः। रूपमेवैषांमेतन्मंहिमानं व्याचेष्टे। अनुष्टुभूर्चा। आनुष्टुभः प्रजापंतिः। प्राजापत्यो वेदः। वेदस्याग्रः सुख्सम्मार्जनानि॥६॥

स्वेनैवैनांनि छन्दंसा। स्वयां देवतंया समंध्यति। अथो ऋग्वाव योषां। दुर्भो वृषां। तन्मिंथुनम्। मिथुनमेवास्य तद्यज्ञे कंरोति प्रजनंनाय। प्रजायते प्रजयां पृशुभिर्यजमानः। तान्येके वृथैवापांस्यन्ति। तत्तथा न कार्यम्। आरंब्यस्य यज्ञियंस्य कर्मणः सविंदोहः॥७॥

यद्यंनानि पुशवोंऽभि तिष्ठेंयुः। न तत्पृशुभ्यः कम्।

अद्भिर्मां जीयत्वोत्करे न्यंस्येत्। यद्वै यज्ञियंस्य कर्मणो ऽन्यत्राहुंतीभ्यः सन्तिष्ठंते। उत्करो वाव तस्यं प्रतिष्ठा। एता १ हि तस्में प्रतिष्ठां देवाः समर्भरन्। यदद्भिर्मार्जयंति। तेनं शान्तम्। यदुंत्करे न्यस्यति। प्रतिष्ठामेवैनांनि तद्गंमयति॥८॥

प्रतितिष्ठति प्रजयां पृशुभिर्यजंमानः। अथौं स्तम्बस्य वा एतद्रूपम्। यत्स्रुंख्सम्मार्जनानि। स्तम्बशो वा ओषंधयः। तासां जरत्कक्षे पृशवो न रंमन्ते। अप्रियो ह्येषां जरत्कक्षः। यावंदप्रियो ह वे जंरत्कक्षः पंशूनाम्। तावंदप्रियः पशूनां भंवति। यस्यैतान्यन्यत्राग्नेर्दधंति। नृवदाव्यांसु वा ओषंधीषु पृशवो रमन्ते॥९॥

न्वदावो ह्येषां प्रियः। यावंत्प्रियो हु वै नंवदावः पंशूनाम्। तावंत्प्रियः पशूनां भंवति। यस्यैतान्युग्नौ प्रहरेन्ति। तस्मदितान्युग्नावेव प्रहरेत्। यत्रस्मिन्त्सम्मृज्यात्। पृशूनां धृत्यैं। यो भूतानामधिपतिः। रुद्रस्तंन्तिचरो वृषां। पृशूनस्माकं मा हि सीः। एतदंस्तु हुतं तव स्वाहेत्यंग्निस्ममार्जन्युग्नौ प्रहरित। एषा वा एतेषां योनिः। एषा प्रतिष्ठा। स्वामेवैनांनि योनिम्ं। स्वां प्रतिष्ठां गंमयति। प्रतितिष्ठति प्रजयां पृशुभिर्यजमानः॥१०॥

वेदस्याग्रई सुख्सुम्मार्जनानि विदोहो गंमयति पुशर्वो रमन्ते हि॰सीः षट चं॥——[२] अयंज्ञो वा एषः। योऽपुत्तीकः। न प्रजाः प्रजायेरन्। पत्यन्वांस्ते। यज्ञमेवाकः। प्रजानां प्रजननाय। यत्तिष्ठंन्ती सन्नह्यंत। प्रियं ज्ञाति रुक्त्यात्। आसीना सन्नह्यते। आसीना ह्यंषा वीर्यं कुरोति॥११॥

यत्पश्चात्प्राच्यन्वासीत। अनयां समदेन्दधीत। देवानां पित्रंया समदेन्दधीत। देशाँदक्षिणत उदीच्यन्वाँस्ते। आत्मनों गोपीथायं। आशासांना सौमन्सिमत्यांह। मेध्यांमेवैनाङ्केवंतीं कृत्वा। आशिषा समंध्यति। अग्नेरनुंव्रता भूत्वा सन्नंहो सुकृताय किमत्यांह। एतद्वै पित्रंये व्रतोपनयंनम्॥१२॥

तेनैवैनां व्रतमुपंनयति। तस्मांदाहुः। यश्चैवं वेद् यश्च न। योक्रमेव युते। यम्नवास्ते। तस्यामुष्मिँ श्लोके भंवतीति योक्रेण। यद्योक्रम्। स योगः। यदास्ते। स क्षेमः॥१३॥

योग्क्षेमस्य कृष्ट्यै। युक्तिङ्कियाता आशीः कामें युज्याता इति। आशिषः समृद्धै। ग्रन्थिं ग्रंशाति। आशिषं पुवास्यां परि गृह्णाति। पुमान् वै ग्रन्थिः। स्त्री पत्नीं। तन्मिथुनम्। मिथुनम्वास्य तद्यज्ञे करोति प्रजनंनाय। प्र जांयते प्रजयां पशुभिर्यजंमानः॥१४॥

अथों अर्धो वा एष आत्मनंः। यत्पत्नीं। यज्ञस्य धृत्या अशिथिलम्भावाय। सुप्रजसंस्त्वा वय सप्पत्नीरुपं सेदिमेत्यांह। यज्ञमेव तन्मिथुनीकरोति। ऊनेऽतिरिक्तन्धीयाता इति प्रजात्ये। महीनां पयोऽस्योषंधीना रस् इत्यांह। रूपमेवास्यैतन्महिमानं व्याचंष्टे। तस्य तेऽक्षीयमाणस्य निर्वपामि देवयुज्याया इत्याह। आशिषंमेवैतामा शौस्ते॥१५॥

क्रोतिं व्रतोपनर्यनुं क्षेमो यर्जमानः शास्ते॥———[३]

घृतं च वै मध्रं च प्रजापंतिरासीत्। यतो मध्यांसीत्। ततः प्रजा अंसृजत। तस्मान्मध्रंषि प्रजनंनिमवास्ति। तस्मान्मध्रंषा न प्रचंरन्ति। यातयांम् हि। आज्येन् प्रचंरन्ति। यज्ञो वा आज्यम्। यज्ञेनैव यज्ञं प्रचंरन्त्ययांतयामत्वाय। पत्र्यवेक्षिते॥१६॥

मिथुनत्वाय प्रजांत्यै। यद्वै पत्नीं यज्ञस्यं क्रोतिं। मिथुनं तत्। अथो पत्निया एवेष यज्ञस्यांन्वारम्भोऽनंवच्छित्त्यै। अमेध्यं वा एतत्कंरोति। यत्पत्यवेक्षंते। गार्हंपत्येऽधिं श्रयति मेध्यत्वायं। आहुवनीयंम्भ्युद्रंवति। यज्ञस्य सन्तंत्यै। तेजोऽसि तेजोऽनु प्रेहीत्यांह॥१७॥

तेजो वा अग्निः। तेज आज्यम्। तेजंसैव तेजः समर्धयित। अग्निस्ते तेजो मा विनैदित्याहाहि स्सायै। स्प्यस्य वर्त्मन्त्सादयित। यज्ञस्य सन्तंत्यै। अग्नेर्जिह्वाऽिसं सुभूर्देवानामित्यांह। यथायजुरेवैतत्। धाम्नेधाम्ने देवेभ्यो यजुंषेयजुषे भ्वेत्यांह। आशिषंभेवैतामा शास्ते॥१८॥

तद्वा अतः प्वित्रांभ्यामेवोत्पुंनाति। यजंमानो वा आज्यम्। प्राणापानौ प्वित्रें। यजंमान एव प्रांणापानौ दंधाति। पुन्राहारम्। एविमेव हि प्रांणापानौ स्श्ररंतः। शुक्रमंसि ज्योतिरसि तेजोऽसीत्याह। रूपमेवास्यैतन्महिमानं व्याचेष्टे। त्रिर्यजुंषा। त्रयं इमे लोकाः॥१९॥

पुषां लोकानामास्यै। त्रिः। त्र्यांवृद्धि युज्ञः। अथों मेध्यत्वाये। अथाज्यंवतीभ्यामपः। रूपमेवासांमेतद्वर्णं दधाति। अपि वा उताहुंः। यथां हु वै योषां सुवर्ण् हिरंण्यं पेश्वलं बिभ्रंती रूपाण्यास्ते। एवमेता एतर्हीतिं। आपो वै सर्वा देवताः॥२०॥

एषा हि विश्वेषां देवानां तुनः। यदाज्यम्। तत्रोभयोमीमाक्सा। जामि स्यात्। यद्यज्षाऽऽज्यं यज्षाऽप उत्पृनीयात्। छन्दंसाऽप उत्पृनात्यजांमित्वाय। अथो मिथुन्त्वायं। सावित्रियर्चा। सवितृप्रंसूतं मे कर्मासदितिं। सवितृप्रंसूतमेवास्य कर्म भवति। पच्छो गांयत्रिया त्रिष्णमृद्धत्वायं। अद्भिरेवौषंधीः सं नयति। ओषंधीभिः पृशून्। पृशुभिर्यजमानम्। शुकं त्वां शुक्रायां ज्योतिंस्त्वा ज्योतिंष्यर्चिस्त्वाऽर्चिषीत्यांह सर्वत्वायं। पर्यांस्या अनंन्तरायाय॥२१॥

र्डुक्षत् आहु शास्ते लोका देवतां भवति पट् चं॥—————[४]

देवासुराः संयंत्ता आसन्। स एतिमन्द्र आज्यंस्यावकाशमंपश्यत्। तेनावैक्षत। ततों देवा अभवन्। पराऽसुराः। य एवं विद्वानाज्यंम्वेक्षते। भवंत्यात्मनाः। परांऽस्य भ्रातृंव्यो भवति। ब्रह्मवादिनों वदन्ति। यदाज्यंनान्यानि हवी श्रष्यंभिघारयंति॥२२॥

अथ् केनाज्यमितिं। स्त्येनेतिं ब्रूयात्। चक्षुर्वे स्त्यम्। स्त्येनैवैनंद्भि घारयति। ईश्वरो वा एषाँऽन्धो भवितोः। यश्चक्षुषाऽऽज्यंम्वेक्षंते। निमील्यावेक्षेत। दाधारात्मश्चक्षंः। अभ्याज्यंङ्वारयति। आज्यंं गृह्णाति॥२३॥

छन्दा १सि वा आज्यम्। छन्दा १स्येव प्रींणाति। चतुर्जुह्वां गृंह्वाति। चतुंष्पादः पृश्वंः। पृश्न्वेवावं रुन्धे। अष्टावुंप्भृति। अष्टाक्षंरा गायत्री। गायत्रः प्राणः। प्राणमेव पृश्वं दधाति। चतुर्भुवायाम्॥२४॥

चतुंष्पादः प्शवंः। पृशुष्वेवोपरिष्टात्प्रतिं तिष्ठति। यजमानदेवत्यां वै जुहूः। भ्रातृव्यदेवत्योपभृत्। चतुर्जुह्वां गृह्णन्भूयो गृह्णीयात्। अष्टावृपभृतिं गृह्णन्कनीयः। यजमानायैव भ्रातृंव्यमुपंस्तिं करोति। गौर्वे सुचंः। चतुर्जुह्वां गृह्णाति। तस्माचतुंष्पदी॥२५॥

अष्टावंपभृतिं। तस्मांद्ष्टाशंफा। चतुर्धुवायांम्। तस्माचतुंः स्तना। गामेव तत्स इस्केरोति। सास्मे स इस्कृतेष्मूर्जन्दहे। यज्जुह्वां गृह्णातिं। प्रयाजेभ्यस्तत्। यदुंपभृतिं। प्रयाजानूयाजेभ्यस्तत्। सर्वस्मे वा एतद्यज्ञायं गृह्यते। यद्भुवायामाज्यम्॥२६॥
अभिषारयंति गृह्णाति ध्रुवायाञ्चतुंष्यदी प्रयाजानूयाजेभ्यस्तद्वे चं॥——[५]

आपों देवीरग्रेपुवो अग्रेगुव इत्याह। रूपमेवासामेतन्महिमानं

व्याचेष्टे। अग्रं इमं यज्ञन्नयताग्रं यज्ञपंतिमित्यांह। अग्रं एव यज्ञन्नयन्ति। अग्रं यज्ञपंतिम्। युष्मानिन्द्रोऽवृणीत वृत्रतूर्ये यूयमिन्द्रमवृणीध्वं वृत्रतूर्य इत्यांह। वृत्र हं हिन्ष्यन्निन्द्र आपों वव्रे। आपो हेन्द्रं विव्रेर। संज्ञामेवासांमेतत्सामानं व्याचेष्टे। प्रोक्षिताः स्थेत्यांह॥२७॥

तेनापः प्रोक्षिंताः। अग्निर्देवेभ्यो निलायत। कृष्णो रूपं कृत्वा। स वनस्पतीन्प्राविशत्। कृष्णो उस्याखरेष्ठो उग्नये त्वा स्वाहेत्यांह। अग्नयं एवैनं जुष्टं करोति। अथों अग्नेरेव मेधमवं रुन्धे। वेदिरसि ब्रहिषे त्वा स्वाहेत्यांह। प्रजा वै ब्रहिः। पृथिवी वेदिः॥२८॥

प्रजा एव पृथिव्यां प्रतिष्ठापयति। बर्हिरंसि सुग्भ्यस्त्वा स्वाहेत्यांह। प्रजा वै बर्हिः। यजमानः सुर्चः। यजमानमेव प्रजासु प्रतिष्ठापयति। दिवे त्वाऽन्तरिक्षाय त्वा पृथिव्यै त्वेतिं बर्हिरासाद्य प्रोक्षंति। पृभ्य पृवैनं ह्योकेभ्यः प्रोक्षंति। अथ ततः सह सुचा पुरस्तांत्प्रत्यश्चं ग्रन्थिं प्रत्युक्षति। प्रजा वै बर्हिः। यथा सूत्यै काल आपंः पुरस्ताद्यन्ति॥२९॥

ताहगेव तत्। स्वधा पितृभ्य इत्यांह। स्वधाकारो हि पितृणाम्। ऊर्ग्भव बर्हिषद्भ इति दक्षिणाये श्रोणेरोत्तरस्ये निनंयति सन्तंत्ये। मासा वै पितरों बर्हिषदंः। मासांनेव प्रीणाति। मासा वा ओषंधीर्वधयंन्ति। मासाः पचन्ति समृद्धे।

अनंतिस्कन्दन् ह पुर्जन्यो वर्षति। यत्रैतदेवङ्कियते॥३०॥

ऊर्जा पृथिवीं गंच्छुतेत्यांह। पृथिव्यामेवोर्जं दधाति। तस्मांत्पृथिव्या ऊर्जा भुंअते। ग्रन्थिं वि स्रश्ंसयति। प्रजनयत्येव तत्। ऊर्ध्वं प्राश्चमुद्गृढं प्रत्यश्चमा यंच्छति। तस्मांत्प्राचीन्श्रेतों धीयते। प्रतीचीः प्रजा जायन्ते। विष्णोः स्तूपोऽसीत्यांह। युज्ञो वै विष्णुं:॥३१॥

यज्ञस्य धृत्यैं। पुरस्तौत्प्रस्तरं गृह्णाति। मुख्यंमेवेनं करोति। इयंन्तं गृह्णाति। प्रजापंतिना यज्ञमुखेन सम्मितम्। इयंन्तं गृह्णाति। यज्ञप्रषा सम्मितम्। इयंन्तं गृह्णाति। युज्ञप्रषा सम्मितम्। इयंन्तं गृह्णाति। पृतावृद्धै पुरुषे वीर्यम्। वीर्यसम्मितम्॥३२॥

अपंरिमितं गृह्णाति। अपंरिमित्स्यावंरुद्धौ। तस्मिन्प्वित्रे अपि सृजति। यजमानो वै प्रस्तरः। प्राणापानौ प्वित्रे॥ यजमान पुव प्राणापानौ दंधाति। ऊर्णां प्रदसन्त्वा स्तृणामीत्यांह। यथायजुरेवेतत्। स्वासस्थं देवेभ्य इत्यांह। देवेभ्यं एवैनंत्स्वासस्थं करोति॥३३॥

ब्र्हिः स्तृंणाति। प्रजा वै ब्र्हिः। पृथिवी वेदिः। प्रजा एव पृथिव्यां प्रतिष्ठापयति। अनंतिदृश्जः स्तृणाति। प्रजयैवैनं पृश्भिरनंतिदृश्जं करोति। धारयंन्प्रस्तरं परिधीन्परि दधाति। यजमानो वै प्रस्तरः। यजमान एव तत्स्वयं परिधीन्परि दधाति। गृन्धुर्वोऽसि विश्वावंसुरित्यांह॥३४॥ विश्वंमेवायुर्यजंमाने दधाति। इन्द्रंस्य बाहुरंसि दक्षिण् इत्यांह। इन्द्रियमेव यजंमाने दधाति। मित्रावरुंणौ त्वोत्तर्तः परिधत्तामित्यांह। प्राणापानौ मित्रावरुंणौ। प्राणापानावेवास्मिन्दधाति। सूर्यस्त्वा पुरस्तांत् पात्वित्यांह। रक्षंसामपहत्यै। कस्यांश्चिद्भिशंस्त्या इत्यांह। अपंरिमितादेवैनंं पाति॥३५॥

वीतिहाँ त्रन्त्वा कव इत्यांह। अग्निमेव होत्रेण समंध्यित। सुमन्त्र सिमंधीमहीत्यांह सिमंद्ये। अग्ने बृहन्तंमध्वर इत्यांह वृद्धैं। विशो युत्रे स्थ इत्यांह। विशां यत्यैं। उदीचीनांग्रे नि दंधाति प्रतिष्ठित्यै। वसूंनार रुद्राणांमादित्यानार सदंसि सीदेत्यांह। देवतांनामेव सदंने प्रस्तर सांदयित। जुहूरंसि घृताची नाम्नेत्यांह॥३६॥

असौ वै जुहूः। अन्तिरिक्षमुप्भृत्। पृथिवी ध्रुवा। तासांमेतदेव प्रियन्नामं। यद्घृताचीति। यद्घृताचीत्याहं। प्रियेणैवैना नाम्नां सादयति। एता अंसदन्त्सुकृतस्यं लोक इत्यांह। सृत्यं वै सुंकृतस्यं लोकः। सृत्य एवैनाः सुकृतस्यं लोके सादयति। ता विष्णो पाहीत्यांह। युज्ञो वै विष्णाः। युज्ञस्य धृत्यै। पाहि युज्ञं पाहि युज्ञपंतिं पाहि मां यंज्ञनियमित्यांह। युज्ञाय यजमानायात्मनें। तेभ्यं पुवाशिषमाशास्तेऽनांत्ये॥३७॥

स्थेत्यांह पृथिवी वेदिर्यन्तिं ऋियते वीर्णुर्वीर्यंसम्मितं करोत्याह पाति नाम्नेत्यांह लोके सांदयित

षद् चं॥\_\_\_\_\_\_

अग्निना वै होत्रां। देवा असुंरान्भ्यंभवन्। अग्नयं सिम्ध्यमानायानुंबूहीत्यांह् भ्रातृंव्याभिभूत्ये। एकंवि श्वातिमिध्मदा्र्र्हा भवन्ति। एकवि श्वाते वे पुरुषः। पुरुष्यास्याः पश्चंदशेध्मदा्र्रूण्यभ्या दंधाति। पश्चंदश् वा अर्धमा्सस्य रात्रंयः। अर्धमा्सशः संवत्सर आंप्यते। त्रीन्पंरिधीन्परि दधाति॥३८॥

ऊर्ध्वे स्मिधावा दंधाति। अनूयाजेभ्यंः स्मिध्मितं शिनष्टि। षद्भम्पंद्यन्ते। षड्वा ऋतवंः। ऋतूनेव प्रीणाति। वेदेनोपं वाजयित। प्राजापत्यो वै वेदः। प्राजापत्यः प्राणः। यजंमान आहवनीयंः। यजंमान एव प्राणन्दंधाति॥३९॥

त्रिरुपं वाजयित। त्रयो वै प्राणाः। प्राणानेवास्मिन्दधाति। वेदेनोप्यत्यं स्रुवेणं प्राजापत्यमाघारमा घारयित। यज्ञो वै प्रजापितः। यज्ञमेव प्रजापितं मुख्त आरंभते। अथौं प्रजापितः सर्वा देवताः। सर्वा एव देवताः प्रीणाति। अग्निमंग्नीतिस्तः सं मृङ्कीत्यांह। त्र्यांवृद्धि यज्ञः॥४०॥

अथो रक्षंसामपंहत्यै। परिधीन्त्सं माँष्टिं। पुनात्येवैनान्। त्रिस्त्रिः सं माँष्टिं। त्र्यांवृद्धि युज्ञः। अथो मेध्यत्वाये। अथो एते वै देवाश्वाः। देवाश्वानेव तत्सं माँष्टिं। सुवर्गस्यं लोकस्य समष्ट्री। आसीनोऽन्यमांघारमा घारयति॥४१॥

तिष्ठंन्नन्यम्। यथाऽनों वा रथं वा युआत्। एवमेव तदंध्वर्युर्य्ज्ञं युनिक्ति। सुवृर्गस्यं लोकस्याभ्यूँद्यै। वहन्त्येनं ग्राम्याः पृशवंः। य एवं वेदं। भुवंनमिस् वि प्रथ्यस्वेत्यांह। यज्ञो वै भुवंनम्। यज्ञ एव यजंमानं प्रजयां पृश्जिः प्रथयति। अग्ने यष्टंरिदन्नम् इत्यांह॥४२॥

अग्निर्वे देवानां यष्टां। य एव देवानां यष्टां। तस्मां एव नमंस्करोति। जुह्वेह्यग्निस्त्वां ह्वयति देवयुज्याया उपंभृदेहिं देवस्त्वां सिवता ह्वयति देवयुज्याया इत्याह। आग्नेयी वै जुहूः। सावित्र्युंपभृत्। ताभ्यांमेवेने प्रसूत् आदेत्ते। अग्नांविष्णू मा वामवं क्रमिष्मित्यांह। अग्निः पुरस्तांत्। विष्णुंर्य्ज्ञः पश्चात्॥४३॥

ताभ्यांमेव प्रंतिप्रोच्यात्या ऋांमित। विजिंहाथां मा मा सन्तांष्ठमित्याहाहि रंसायै। लोकं में लोककृतौ कृणुत्मित्यांह। आशिषंमेवैतामा शांस्ते। विष्णोः स्थानम्सीत्यांह। युज्ञो वे विष्णुः। एतत्खलु वे देवानामपंराजितमायतंनम्। यद्यज्ञः। देवानांमेवापंराजित आयतंने तिष्ठति। इत इन्द्रों अकृणोद्वीर्याणीत्यांह॥४४॥

इन्द्रियमेव यर्जमाने दधाति। समारभ्योर्ध्वो अध्वरो दिविस्पृशमित्यांह् वृद्धौ। आघारमांघार्यमांणमनुं समारभ्यं। एतस्मिन्काले देवाः सुंवर्गं लोकमांयन्। साक्षादेव यर्जमानः सुवर्गं लोकमेति। अथो समृद्धेनैव युज्ञेन यर्जमानः सुवर्गं लोकमेति। अहुंतो युज्ञो युज्ञपतिरित्याहानांत्ये। इन्द्रांवान्त्स्वाहेत्यांह। इन्द्रियमेव यर्जमाने दधाति। बृहद्भा

## इत्यांह॥४५॥

सुवर्गो वै लोको बृहद्भाः। सुवर्गस्यं लोकस्य समेष्ट्री। यजमानदेवत्यां वै जुहूः। भ्रातृव्यदेवत्योपभृत्। प्राण आंघारः। यत्सईस्पर्शयेत्। भ्रातृंव्येऽस्य प्राणन्दंध्यात्। असईस्पर्शयत्रत्या क्रांमिति। यजमान एव प्राणन्दंधाित। पाहि मांऽग्ने दुश्चंरितादा मा सुचंरिते भुजेत्यांह॥४६॥

अग्निर्वाव प्वित्रम्। वृजिनमनृत्नद्श्चीरतम्। ऋजुक्रमं स्त्य स्चीरतम्। अग्निरेवैनं वृजिनादनृताद्दश्चीरतात्पाति। ऋजुक्रमें सत्ये स्चीरते भजति। तस्मादेवमा शास्ते। आत्मनों गोपीथायं। शिरो वा एतद्यज्ञस्यं। यदांघारः। आत्मा ध्रुवा॥४७॥

आघारमाघार्य ध्रुवाः समंनक्ति। आत्मन्नेव यज्ञस्य शिरः प्रति दधाति। द्विः समंनक्ति। द्वौ हि प्रांणापानौ। तदांहुः। त्रिरेव समंभ्यात्। त्रिधांतु हि शिर् इति। शिरं इवैतद्यज्ञस्यं। अथो त्रयो वै प्राणाः। प्राणानेवास्मिन्दधाति। मुखस्य शिरोऽसि सभ्योतिषा ज्योतिरङ्कामित्यांह। ज्योतिरेवास्मां उपरिष्टाद्दधाति। सुवर्गस्यं लोकस्यानुंख्यात्ये॥४८॥

परिंदधाति प्राणन्दंधाति हि युज्ञो घारयित नम् इत्यांह पृश्चाद्वीर्याणीत्यांह् भा इत्यांह भुजेत्यांह

ध्रुवैवास्मिन्दधाति त्रीणि च॥-----[७]

धिष्णिया वा एते न्युंप्यन्ते। यद्ब्रह्मा। यद्धोतां। यदंध्वर्युः।

यद्ग्रीत्। यद्यजंमानः। तान् यदंन्तरेयात्। यजंमानस्य प्राणान्त्सङ्कर्षेत्। प्रमायुंकः स्यात्। पुरोडाशंमप्गृह्य सञ्चरत्यध्वर्युः॥४९॥

यजंमानायैव तल्लोक शिश्वित। नास्यं प्राणान्त्सङ्कर्षित। न प्रमायंको भवति। पुरस्तांत् प्रत्यङ्कासीनः। इडांया इडामा दंधाति। हस्त्या होत्रें। पृशवो वा इडां। पृशवः पुरुषः। पृशुष्वेव पृशून्प्रतिष्ठापयति। इडांयै वा पृषा प्रजांतिः॥५०॥ तां प्रजांतिं यजंमानोऽनु प्र जांयते। द्विरङ्गुलांवनिक्त पर्वणोः। द्विपाद्यजंमानः प्रतिष्ठित्यै। स्कृदुपं स्तृणाति। द्विरा दंधाति। स्कृद्भे घारयति। चृतः सम्पंद्यते। चृत्वारि वै पृशोः प्रतिष्ठानांनि। यावांनेव पृशुः। तमुपंह्वयते॥५१॥

मुखंमिव प्रत्युपंह्वयेत। सम्मुखानेव प्रशूनुपं ह्वयते। प्रश्वो वा इडाँ। तस्मात्साऽन्वारभ्याँ। अध्वर्युणां च यजंमानेन च। उपंहूतः पशुमानंसानीत्यांह। उप ह्येनो ह्वयंते होताँ। इडांये देवतांनामुपह्वे। उपंहूतः पशुमान्भंवति। य एवं वेदं॥५२॥ यां वै हस्त्यामिडांमादधांति। वाचः सा भांगुधेयम्ँ। यामुपह्वयंते। प्राणाना सा। वाचं चैव प्राणा श्वावं रुन्थे। अथ वा एतर्ह्युपंहूतायामिडांयाम्। पुरोडाशंस्येव बंहिषदों मीमा सा। यजंमानं देवा अंब्रुवन्। ह्विर्नो निर्व्पेति। नाहमंभागो निर्वप्स्थामीत्यंब्रवीत्॥५३॥

न मयांऽभागयाऽनुंबक्ष्यथेति वागंब्रवीत्। नाहमंभागा पुरोनुवाक्यां भविष्यामीति पुरोनुवाक्यां। नाहमंभागा याज्यां भविष्यामीति याज्यां। न मयांऽभागेन वर्षद्वरिष्यथेति वषद्वारः। यद्यंजमानभागं निधायं पुरोडाशं बर्हिषदं करोतिं। तानेव तद्भागिनंः करोति। चतुर्धा करोति। चतंस्रो दिशंः। दिक्ष्वंव प्रतितिष्ठति। बर्हिषदं करोति॥५४॥

यजंमानो वै पुरोडाशंः। प्रजा ब्रहिः। यजंमानमेव प्रजासु प्रतिष्ठापयति। तस्मादस्थ्राऽन्याः प्रजाः प्रतितिष्ठंन्ति। मार्सेनान्याः। अथो खल्वांहुः। दक्षिणा वा एता हंविर्यज्ञस्यांन्तर्वेद्यवं रुध्यन्ते। यत्पुरोडाशं बर्हिषदं करोतीतिं। चतुर्धा करोति। चत्वारो होते हंविर्यज्ञस्यर्त्विजंः॥५५॥

ब्रह्मा होताँ ऽध्वर्युर्ग्नीत्। तम्भि मृंशेत्। इदं ब्रह्मणः। इदः होतुः। इदमध्वर्योः। इदम्ग्रीध् इति। यथैवादः सौम्यैं ऽध्वरे। आदेशंमृत्विग्भ्यो दक्षिणा नीयन्तैं। ताद्दगेव तत्। अग्नीधैं प्रथमाया देधाति॥५६॥

अग्निमुंखा ह्यद्धिः। अग्निमुंखामेवर्द्धि यजंमान ऋभ्नोति। सकृदुंपस्तीर्य द्विरादधंत्। उपस्तीर्य द्विर्भि घांरयति। षद्धम्पंद्यन्ते। षड्वा ऋतवंः। ऋतूनेव प्रीणाति। वेदेनं ब्रह्मणें ब्रह्मभागं परिहरति। प्राजापत्यो वै वेदः। प्राजापत्यो ब्रह्मा॥५७॥ स्विता यज्ञस्य प्रसूत्यै। अथ कामम्नयेनं। ततो होत्रैं।
मध्यं वा पुतद्यज्ञस्यं। यद्धोतां। मध्यत एव यज्ञं प्रीणाति।
अथाध्वर्यवें। प्रतिष्ठा वा एषा यज्ञस्यं। यद्ध्वर्युः।
तस्मौद्धविर्यज्ञस्यैतामेवावृत्मनुं॥५८॥

अन्या दक्षिणा नीयन्ते। युज्ञस्य प्रतिष्ठित्ये। अग्निमंग्नीत्सकृत्संकृत्सं मृड्ढीत्यांह। परांडिक् ह्येतर्हि युज्ञः। इषिता दैव्या होतांर् इत्यांह। इषित हि कर्म क्रियतें। भुद्रवाच्यांय प्रेषितो मानुंषः सूक्तवाकार्य सूक्ता ब्रूहीत्यांह। आशिषमेवैतामा शांस्ते। स्वगा दैव्या होतृंभ्य इत्यांह। युज्ञमेव तत्स्वगा करोति। स्वस्तिर्मानुंषेभ्य इत्यांह। आशिषमेवैतामा शांस्ते। श्रं योर्बूहीत्यांह। श्रंयुमेव बार्हस्पत्यं भाग्धेयेन समर्धयति॥५९॥

चुरत्युध्वर्युः प्रजातिर्ह्वयते वेदाँब्रवीद्वर्रहिषदं करोत्यृत्विजों दधाति ब्रह्माऽनुंकरोति चुत्वारिं

च॥\_\_\_\_\_[८]

अथ् सुर्चावनुष्टुग्भ्यां वार्जवतीभ्यां व्यूहित। प्रतिष्ठा वा अनुष्टुक्। अत्रं वाजः प्रतिष्ठित्यै। अन्नाद्यस्यावंरुद्धै। प्राचीं जुहूमूहिति। जातानेव भ्रातृंव्यान्प्रणुंदते। प्रतीचींमुप्भृतम्। जिन्ष्यमाणानेव प्रतिनुदते। सविषूच एवापोह्यं स्पत्नान् यर्जमानः। अस्मिंश्लोके प्रतितिष्ठति॥६०॥

द्वाभ्यांम्। द्विप्रतिष्ठो हि। वसुभ्यस्त्वा रुद्रेभ्यंस्त्वाऽऽदित्येभ्यस्त्वेत्यांह यथायजुरेवैतत्। स्रुक्षु प्रस्तरमंनक्ति। इमे वै लोकाः स्रुचंः। यजमानः प्रस्तरः। यजमानमेव तेजसाऽनक्ति। त्रेधाऽनेक्ति। त्रयं इमे लोकाः॥६१॥

एभ्य एवैनं लोकेभ्योऽनक्ति। अभिपूर्वमंनक्ति। अभिपूर्वमेव यजमानुन्तेजंसाऽनक्ति। अक्त रहिणा इत्याह। तेजो वा आज्यम्। यजमानः प्रस्तरः। यजमानमेव तेजंसाऽनक्ति। वियन्तु वय इत्याह। वयं एवैनं कृत्वा। सुवर्गं लोकं गमयति॥६२॥

प्रजां योनिं मा निर्मृक्षमित्यांह। प्रजायें गोपीथायं। आप्यायन्तामाप ओषंधय इत्यांह। आपं एवौषंधीरा प्याययति। मुरुतां पृषंतयः स्थेत्यांह। मुरुतो वै वृष्ट्यां ईशते। वृष्टिंमेवावं रुन्धे। दिवंं गच्छु ततों नो वृष्टिमेर्येत्यांह। वृष्टिंवें द्यौः। वृष्टिंमेवावं रुन्धे॥६३॥

यावृद्वा अध्वर्यः प्रस्तरं प्रहरित। तावंदस्यायुंमीयते। आयुष्पा अग्नेऽस्यायुंमें पाहीत्यांह। आयुरेवात्मन्धत्ते। यावृद्वा अध्वर्यः प्रस्तरं प्रहरित। तावंदस्य चक्षुंमीयते। चक्षुष्पा अग्नेऽिस चक्षुंमें पाहीत्यांह। चक्षुरेवात्मन्धत्ते। ध्रुवाऽसीत्यांह प्रतिष्ठित्ये। यं परिष्ठिं पूर्यधंत्था इत्यांह॥६४॥ यथायजुरेवैतत्। अग्ने देव पणिभिर्वीयमाण् इत्यांह। अग्नयं एवेनं जुष्टं करोति। तन्तं एतमनु जोषं भरामीत्यांह। सजातानेवास्मा अनुंकान्करोति। नेदेष त्वदंपचेतयांता इत्याहानुंख्यात्ये। यज्ञस्य पाथ उप सिमंतिमित्यांह।

भूमानंमेवोपैति। परिधीन्प्र हंरति। यज्ञस्य सिष्टिमा६५॥
स्रुचौ सं प्रस्नांवयति। यदेव तत्रं ऋूरम्। तत्तेनं
शमयति। जुह्वामुंपभृतम्। यज्ञमानदेवत्यां वै जुहूः।
भ्रातृव्यदेवत्योपभृत्। यज्ञमानायैव भ्रातृंव्यमुपंस्तिं करोति।
स् अ्रावभागाः स्थेत्यांह। वसंवो वै रुद्रा आंदित्याः
स इस्रावभागाः। तेषान्तद्भागधेयम्॥६६॥

तानेव तेनं प्रीणाति। वैश्वदेव्यर्चा। एते हि विश्वं देवाः। त्रिष्टुग्भंवति। इन्द्रियं वै त्रिष्टुक्। इन्द्रियमेव यजमाने दधाति। अग्नेर्वामपंत्रगृहस्य सदंसि सादयामीत्यांह। इयं वा अग्निरपंत्रगृहः। अस्या एवेने सदंने सादयति। सुम्नायं सुम्निनी सुम्ने मां धत्तमित्यांह॥६७॥

प्रजा वै प्शवंः सुम्नम्। प्रजामेव प्शूनात्मन्धेत्ते। धुरि धुर्यौ पात्मित्यांह। जायापत्योर्गोपीथायं। अग्नेंऽदब्धायोऽशीततनो इत्यांह। यथायजुरेवैतत्। पाहि माऽद्य दिवः पाहि प्रसित्ये पाहि दुरिष्ट्री पाहि दुंरद्मन्ये पाहि दुश्चरितादित्यांह। आशिषंमेवैतामा शांस्ते। अविषन्नः पितुं कृणु सुषदा योनिङ् स्वाहेतींध्मस्ंवृश्चनान्यन्वाहार्यपचंनेऽभ्याधायं फलीकरणहोमं जुंहोति। अतिरिक्तानि वा इंध्मस्ं वृश्चनानि॥६८॥

अतिरिक्ताः फलीकरणाः। अतिरिक्तमाज्योच्छेषणम्। अतिरिक्त पुवातिरिक्तं दधाति। अथो अतिरिक्तेनैवातिरिक्तमास्वाऽवं वेदिं विविदुः पृथिवीम्। सा पंप्रथे पृथिवी पार्थिवानि। गर्मं विभर्ति भुवंनेष्वन्तः। ततो यज्ञो जायते विश्वदानिरितिं पुरस्तौत्स्तम्बयजुषों वेदेन वेदिक् सम्मार्ष्यनुवित्त्ये॥६९॥ अथो यद्वेदश्च वेदिश्च भवंतः। मिथुनत्वाय प्रजाँत्ये। प्रजापतेर्वा एतानि श्मश्रूणि। यद्वेदः। पित्रया उपस्थ आस्यति। मिथुनमेव करोति। विन्दते प्रजाम्। वेदक् होताऽऽहंवनीयात्स्तृणन्नेति। यज्ञमेव तत्सन्तंनोत्योत्तंरस्मादर्धमासात् तक्ष सन्तंतमुत्तंरेऽर्धमास आलंभते॥७०॥

रुन्धे। वेदिर्देवेभ्यो निलायत। तां वेदेनान्वंविन्दन्। वेदेन

तङ्कालेकांल आगंते यजते। ब्रह्मवादिनों वदन्ति। स त्वा अध्वर्युः स्यात्। यो यतों यज्ञं प्रयुङ्का। तदेनं प्रतिष्ठापयतीति। वाताद्वा अध्वर्युर्य्ज्ञं प्रयुङ्का। देवां गातुविदो गातुं वित्वा गातुमितेत्याह। यतं एव यज्ञं प्रयुङ्का। तदेनं प्रतिष्ठापयति। प्रतिं तिष्ठति प्रजयां पशुभिर्यजंमानः॥७१॥

तिष्ठतीमे लोका गंमयति द्यौर्वृष्टिमेवावंरुन्थे पुर्यधंत्था इत्यांहु समिष्टि भागुधेयंन्धत्तमित्यांहु वा

इंध्मस्ं वृश्चंनान्यनुंवित्त्यै लभते यजंमानः॥———[९]

यो वा अयंथादेवतं युज्ञमुंपूचरंति। आ देवतांभ्यो वृश्च्यते। पापीयान्भवति। यो यंथादेवतम्। न देवतांभ्य आवृंश्च्यते। वसीयान्भवति। वारुणो वे पाशंः। इमं विष्यांमि वरुणस्य पाश्मित्यांह। वरुणपाशादेवेनां मुश्चति। स्वितृप्रंसूतो यथादेवतम्॥७२॥ न देवतांभ्य आवृंश्यते। वसीयान्भवति। धातुश्च योनौं सुकृतस्यं लोक इत्यांह। अग्निर्वे धाता। पुण्यङ्कर्मं सुकृतस्यं लोकः। अग्निरेवैनां धाता। पुण्ये कर्मणि सुकृतस्यं लोके दंधाति। स्योनं में सह पत्यां करोमीत्यांह। आत्मनश्च यर्जमानस्य चानांत्ये सन्त्वायं। समायुंषा सं प्रजयेत्यांह॥७३॥

आशिषंमेवैतामा शाँस्ते पूर्णपात्रे। अन्ततोऽनुष्टुभाँ। चतुंष्पद्वा एतच्छन्दः प्रतिष्ठितं पित्रिये पूर्णपात्रे भवति। अस्मिँ श्लोके प्रतितिष्ठानीति। अस्मिन्नेव लोके प्रतितिष्ठति। अथो वाग्वा अनुष्टुक्। वाङ्गिंथुनम्। आपो रेतः प्रजनंनम्। एतस्माद्वै मिथुनाद्विद्योतंमानः स्तुनयंन्वर्षित। रेतः सिश्चन्॥७४॥

प्रजाः प्रजनयन्। यहै यज्ञस्य ब्रह्मणा युज्यते। ब्रह्मणा वै तस्ये विमोकः। अद्भिः शान्तिः। विमुक्तं वा एतर्हि योक्रं ब्रह्मणा। आदायैन्त्पत्नी सहाप उपंगृह्णीते शान्त्यै। अञ्चलौ पूर्णपात्रमा नेयति। रेतं एवास्यां प्रजान्देधाति। प्रजया हि मेनुष्यः पूर्णः। मुखं वि मृष्टे। अवभृथस्यैव रूपं कृत्वोत्तिष्ठति॥७५॥

मृष्वित्रप्रेम्तो यथादेवतं प्रजयेत्यांह सिश्चमृष्ट एकं चा-----[१०]
परिवेषो वा एष वनस्पतींनाम्। यदुंपवेषः। य एवं
वेदं। विन्दते परिवेष्टारम्। तमुंत्करे। यं देवा मनुष्येषु।
उपवेषमधारयन्। ये अस्मदपं चेतसः। तानस्मभ्यमिहा
कुरु। उपवेषोपं विद्वि नः॥७६॥

प्रजां पृष्टिमथो धनम्। द्विपदो नश्चतुंष्पदः। ध्रुवाननंपगान्कुर्वितिं पुरस्तांत्प्रत्यश्चम्पं गृहति। तस्मांत्पुरस्तांत्प्रत्यश्चंः शूद्रा अवंस्यन्ति। स्थृविमृत उपंगूहति। अप्रंतिवादिन एवैनांन्कुरुते। धृष्टि्र्वा उपवेषः। शुचर्तो वज्रो ब्रह्मणा सश्चितः। योपंवेषे शुक्। साऽमुमृंच्छतु यं द्विष्म इतिं॥७७॥

अथाँस्मै नाम् गृह्य प्रहंरित। निर्मुन्नुंद ओकंसः। सपत्नो यः पृंतन्यितं। निर्बाध्येन हिविषां। इन्द्रं एणं परांशरीत्। इहि तिस्रः पंरावतः। इहि पश्च जना अति। इहि तिस्रोऽति रोचनायावंत्। सूर्यो असंद्विव। प्रमान्त्वां परावतम्॥७८॥ इन्द्रों नयतु वृत्रहा। यतो न पुन्रायंसि। शृश्वतीभ्यः समाभ्य इति। त्रिवृद्वा एष वज्रो ब्रह्मणा सर्शितः। शुचैवैनं विध्वा। एभ्यो लोकेभ्यों निर्णुद्यं। वज्रेण ब्रह्मणा स्तृणुते। हृतोऽसाववंधिष्मामुमित्यांह् स्तृत्यैं। यं द्विष्यात्तभ्यायेत्। शुचैवैनंमर्पयित॥७९॥

प्रत्युष्टं दिवः शिल्पमयंज्ञो घृतं चं देवासुराः स एतिमन्द्र आपों देवीरिग्नेना धिष्णिया अथ् स्रुचौ यो वा अयंथादेवतं परिवेषो वा एकांदश॥११॥

प्रत्युष्टमर्यज्ञ पृषा हि विश्वेषां देवानांमूर्जा पृथिवीमथो रक्षंसान्तां प्रजातिं द्वाभ्यां तं कालेकाले नवंसप्ततिः॥७९॥

प्रत्युंष्टमर्पयति॥

हरिः ओम्॥

22 तृतीयः प्रश्नः

## ॥इति श्रीकृष्णयजुर्वेदीयतैत्तिरीयब्राह्मणे तृतीयाष्टके तृतीयः प्रपाठकः समाप्तः॥

This PDF was downloaded from  $\label{eq:http://stotrasamhita.github.io.} http://stotrasamhita.github.io.$ 

GitHub: http://stotrasamhita.github.io | http://github.com/stotrasamhita

Credits: http://stotrasamhita.github.io/about/